



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-1861-2/18

Datum: 17.08.2018. godine

Na osnovu Strategije razvoja Općine Tešanj 2018-2022., Odluke o izvršenju budžeta Općine Tešanj za 2018. godinu ("Službeni glasnik Općine Tešanj", broj: 11/17), Smjernice za realizaciju Programa "Podsticajne mjere za prvo zaposlenje" i člana 30 Statuta Općine Tešanj ("Službeni glasnik Općine Tešanj", broj: 7/11), Općinski načelnik raspisuje

**JAVNI KONKURS
za odabir korisnika sredstava po Programu
"Podsticajne mjere za prvo zaposlenje" u 2018. godini**

I PREDMET JAVNOG KONKURSA

Općina Tešanj raspisuje Javni konkurs za prikupljanje prijava za odabir korisnika sredstava po Programu "Podsticajne mjere za prvo zaposlenje" u 2018. godini.

Realizacijom Programa podstiče se smanjenje dugotrajne nezaposlenosti određenih kategorija visoko obrazovanih kadrova koji zbog prekomjernog broja lica evidentiranih na Zavodu za zapošljavanje, teže dolaze do zaposlenja.

Očekivani rezultati implementacije programa "Podsticajne mjere za prvo zaposlenje" u skladu sa utvrđenim indikatorima iz Strategije razvoja Općine Tešanj 2018-2022. su:

- 5 osoba koje su dobile podršku za sufinansiranje dijela doprinosa na godišnjem nivou;
- najmanje 50 % korisnika poticajnih mjera trajno zaposleno do 2022.

II KORISNICI SREDSTAVA

Korisnici sredstava programa "Podsticajne mjere za prvo zaposlenje" u 2018. godini su poslodavci – pravna i fizička lica, registrirana na području općine Tešanj (izuzev javnih preduzeća i ustanova), koji redovno izmiruju obaveze po osnovu poreza, doprinosa i javnih prihoda ili imaju potpisan sporazum sa Poreznom upravom FBiH o izmirenju duga po osnovu doprinosa.

Za sredstva po Programu mogu aplicirati:

- poslodavci koji će zaposliti lica VII stepena stručne spreme kojima je to prvo zaposlenje, pravnog ili ekonomskog smjera sa evidencije nezaposlenih na period od najmanje 12 mjeseci;

III VRIJEDNOST POJEDINAČNIH PRIJEDLOGA

Program "Podsticajne mjere za prvo zaposlenje" u 2018. godini realizira se sa sredstvima od 10.000 KM za maksimalno 5 zaposlenika.

Sufinansiranje pojedinačnih prijava koje će biti realizirane u okviru ovog Programa čini subvencioniranje troškova doprinosa za uposlena lica u trajanju od jedne godine u iznosu od 160 KM mjesečno.

Odobrena sredstva će biti refundirana poslodavcima kvartalno.

IV NAČIN PODNOŠENJA PRIJAVA

Ponosilac prijave priprema svoju prijavu u skladu sa Smjernicom za realizaciju Programa "Podsticajne

mjere za prvo zaposlenje” koja je dostupna na web stranici Općine Tešanj www.opcina-tesanj.ba ili se može dobiti na meil adresi haska.hundur@opcina-tesanj.ba, ili lično u Službi za finansije, privredu, komunalne i inspeksijske poslove Općine Tešanj.

Prijeve se dostavljaju u zatvorenoj koverti lično u Prijemnu kancelariju Općine Tešanj (kancelarija br. 7) ili poštom na adresu:

OPĆINA TEŠANJ
ul. Trg Alije Izetbegovića br. 1
74260 Tešanj

s naznakom:

**Ne otvarati – Po javnom konkursu za odabir korisnika
po programu “Podsticajne mjere za prvo zaposlenje”.**

Krajnji rok za podnošenje prijava je **15.10. 2018. godine.**

V EVALUACIJA I ODABIR KORISNIKA SREDSTAVA

Evaluaciju i odabir pristiglih prijava vrši Komisija za ocjenu prijava imenovana od strane Općinskog načelnika u skladu sa kriterijima koji utvrđeni u Smjernici za podnosiocje prijava.

VI DODATNE INFORMACIJE ZA PODNOSIOCE PRIJAVA

Sva dodatna pitanja i informacije u vezi sa ovim javnim konkursom se mogu postaviti lično u Službi za finansije, privredu, komunalne i inspeksijske poslove ili dostaviti putem elektronske pošte najkasnije sedam dana prije isteka roka za podnošenje prijava na mail:
haska.hundur@opcina-tesanj.ba ili na telefon 032/653-915.

Dostavljeno:

1. Mediji,
2. a/a



OPĆINSKI NAČELNIK

Mr.sci.Suad Huskić